

16

\id 1CO

\h 1 Korintus

\c 16

\s Nuik: Blong Duo yap Yerusalem sogo nogo, taiti yaluim go.

\r 1 Korintus 16:1-4

\v 1 Nan Yudea sogo, blong duo yap nogo duoy yaluim genang, nan Galatia sogo blong duo yap no, genam lo taling go tap-tap, motnang logo se keng dali! Ngge kalik so gabe:

\v 2 Minggu no-mingu no, motnang logo, klay-klay mot go mot go so, sogo kalik go-a motnang lo mo iti go, ngganemot-a, ku Minggu nogo (yaluim go), dali se ta-sing!

Genam weng go ku nogo, motnang, ngga teguop ey ya kua yaluim genang.

\v 3 Genam pung go nogo, motnang lo kuoy go sedue, taiti ngganemot iti go klong genang sogo, genam lo sam iti go ey Yerusalem sono go, mea mot go klong.

\v 4 Yang, ku suey go, genam keng genang sogo ikum go, nemotnang, genam ey mea klong dali.

\s Nuik: Paulus go atuia.

\r 1 Korintus 16:5-9

\v 5 Genam klong genang sogo kunala ngge kalik gabe: Genam, nan Makedonia no banim mea klong. (Kebali ngga nogo yam so semu gono,) ngga sik so, motnang mit sono, keda se mea weng.

v 6 Motnang mit no pung go nogo, motnang ey go walong dato so suing genang. No, maning kua senong, dalip kong go ku mea suing kalik?

Ngga sik sogo, sip meno sono go tap-masi, motnang lo tebok genang.

\v 7 Genam, tap seguong lo koklong gono tegu genang sogo, moyso!

No, Ki Wali Iram lo iwat go, motnang ey go, suey so tegu genang sogo gabe duduung.

\p

\v 8 No, banim no yakena Epesus sono klong go, ngga so namboy mea bubung, e ... walop Pentakosta semu genang ku no mea pung.

\v 9 Seni so, yakena Epesus nogo, genam kebali semu genang sogo tap-tenuing go gemang.

No, sedue lo waydang genang sogo gemang dali!

\s Nuik: Andua-andua meno nogo nebut mang.

\r 1 Korintus 16: 10-18

\p

\v 10 Andua Timotius, motnang mit no klong go nogo, suey so se wawi-kenalo! Nemot dabui kua ey go! Seni so, nemot, genam kalik dali, Woy Dem nogo kebali gemang sesemu.

\v 11 Ngganemot sogo so, nemot denok so, sedue logo ya kua pu.
No, nemot genam mit no weng genang sogo-a, motnang lo suey so se tebok.
Seni so, genam ey ngge sogo andua temu ey nemot weng genang ku mea
bubung.

\p

\v 12 Nggano, imot go andua Apolos: Genam lo da kata yam so mo plong,
nemot andua si-yap temu ey, motnang nemu ikum so klong genang.
No, nemot moyso. Ki Wali Iram iwat go ku nogo, nemot mea klong dali.

\s Nuik: Sam yam so kebet go.

[\r 1 Korintus 16 :13-18](#)

\p

\v 13 Motnang go wali, dali yay se susuing!
Woy Dem no dabui mo iti go, waysagi ey se mlak go keng!
Nggano, motnang nenam so ip go, don ey se susuing!

\v 14 Motnang go kebalı naklay, klum ba lo se pupluok!

\p

\v 15 Andua si yap, genam go usi meno gemang.
Usi ngga andua Stepanus sogo. Nan Akaya nogo, kuduong so Woy Dem no dabui
lo keng go, nemot go yap tenglam-a gemang.
Nggano, blong duo yap temu nogo kebalı, suey so mo semu-nesanyom.

\v 16 Usi nemot go seni ngge kalik so gabe: Stepanus go yap-tenglam nogo,
dabui lo, se keng!
Nggano, nemotnang ey klay gono kebalı sesemu go, suey so se keng dali!

\v 17 Motnang sik sogo andua temu, ngge: Stepanus, Fortunatus nggano
Akaykus, genam mit no mo pluep. Ngga sik so, genam dabui yakay kangok.
Seni so, motnang ey genam ey kua tegu go nogo, genam dabui ide ey,
nemotnang way so pung golo, genam go yakay tandali mo pung.

\v 18 Ngga kalik go tang so, nemotnang lo, imotnang go dabui ba nog yakay-don
mo pung. Sedue-sedue ngga kalik go nogo, suey so ta ey se kong!

\s Nuik: Yam sogo suey pu go.

[\r 1 Korintus 16:19-24](#)

\p

\v 19 Ayanang, mianang! Blong duo yap, nan Asia sogo logo, suey gabe pupu.
Ngga ey, Akila, senun Pliska ey go, nemot go yap ba no iyaluim go blong duo
yap ey golo, suey, motnang nogo gabe pupu dali.

\v 20 Andua si yap ngge sogo naklay logo suey, motnang nogo, gabe pepen dali.
Motnang, dabui seni lo, way-way so ta luluik go, suey se sesemu!

\v 21 Ngge genam tang so, motnang no gabe klik-situgu: *SUEY! PAULUS LOGO.*

\p

\v 22 Nggano, nando, Ki Wali Iram nogo klum kua iti go: Piam-a se pung!
\p Yang! (Woy Dem,) weng-a! "Maranata!"

\v 23 Woy Dem, Yesus Klistus go taiti klum, motnang ey senang so mea susuing!

\v 24 Genam logo klum, si-kabung naklay nogo, Woy Dem Yesus ba no, genam ey klaya goso lemoy go, gemang! Sam ngge, yam gabe.